

حقوقی بیکیلیت مجموعه سی

هر آنگاه که اولن بپشنده نشر اولنود

ترکەنک هیئت مجموعه ساری وشامل اولوق اوزره مطلقدر . شمول واطلاقی منع ویا تقیید ایدەجک صریح وباخود ضمنی بردلیل موجود اولمادیغندن اوچنچی فکرک تثبیت وجهله مادهنك اعمالی ممکن دکلدر . اصل بادی مناقشه اولان عارف بک افندیك مطالعه سە کلانجه، بو شکل مطالعه ایسه شائیتدن مجرد بر قول محضدر . بر کره عارف بک افندی قاری ویا قوجهدن ماعدا وارثلره بو ماده موجبجه حق انتفاع تفریق ایتمکه فضلە نیکیین اولدقلرینی احساس ایدیورلر . عارف بک افندی مجموع ترکەنک هیئت عمومیه سنك نصفی حق انتفاع اوله رق قبول ایتدکدن سوکره اشبو انتفاع حقنه مختص مقدارک یاریسی اوزرنده حق ملکیت تأسیس ایتک ایسته یورکه فقره قانونیه دن بر یولده بر حکم چیقارمق غیر قابلدر . مع مافیه قانون متناً و صراحة [. . .] درتده برینت ملکیتی ایله] دیمکه ملکیت حقنی انتفاع حقنه تقدیم ایتشددر . وحق انتفاعی بوندن سوکره موضوع بحث ایشددرکه بو ترتیه رعابةً اولاً حق ملکیته موضوع تشکیل ایدەجک مقدارک تثبیت و تفریقی و ترکەنک مجموعی اوزرندن حساب ایدیلەجک نصف مقدارک دخی ضمیمه حق انتفاع اوله رق تعیینی مقصد قانونه موافق ونفس الامرە مطابق اولدینی ظنندیم .

آفره : ۱۹ کانون ثانی ۱۹۲۸

جلیل سمری

حقوق فاکولته سی مدرسلرندن

آدوات: هورت فیبره

قانون جزا

خطای عدلی

ازمیر مبعوت محترمی انور بک افندی به

مجموعه مزك ۵ - ۱۷ نومروسنده ازمیرده منقشر آناطولی غزته سندن نقلاً اسکی یاره لر مژدن الك مهم لرندن برینه طوقونان مهم بر مقاله کزی اوقودم .

حادثه بی ذات عالی لری بوجه آتی حکایه بیورو یور و برده صورت حل کوستریورسکزه ازمیرک برکوبنده محمد اوغلی احمد اسمنده بری معصوم بریده مظنون اولمی ایجاب

ایدن ایکی آدم وار . اسم مشایقی دولایسیله معصوم محمد اوغلی احمد محکوم اولیور
واوری حقده هیچ تعقیبات یاللیور .

معصوم محمد اوغلی احمد حقده کی حکمک اورتدن قالدیرلمسی ایچون بیوک ملت
جلسنه مراجعت اولیور . ملت مجلسی عفودن باشقا برچاره بولامیور . حالبوکه حادثهده
تطبیق اولنه بیله جک عفو خصوصی اولدیغنه کوره محکومیت سیلنمیور . حقوق نظریات
وتلقیانسه مخالف اولق دولایسیله عفو خصوصی به عفو عمومی ماهیتی بخش ایدرک
کافه نتایج حقوقیه سی اورتدن قالدیرمق سقیم اصولی ده بالطبع قبول بیورولمیور وتشکیلات
اساسیه قانوننک ۲۶ نجی ماده سنده بیوک ملت مجلسنک ملت نامنه حق حاکمیتی تحدید
ایدلمش اولدیغی ایچون مجلس عالی به (رفع حکم) صلاحیتنک ویرلمسی تسیب
بیورویورسکز .

بیوک ملت مجلسنک ضبطاری انتشار ایتمدیکی وبریدن تدارک ایتمک احتمالی بولنادیغی
جهتله مجلس عالیده جریان ایدن مذاکراتدن استفاده ایتمکدن مع التأسف محروم ومجلس
عالینک بوخصوصده متبلر قناعتنک نه اولدیغندن بی خبرم . مع مافیه حادثه بی نظریات
اعتباریه حل ایتمکی پک فائده لی کوردیکم جهتله شو برقاچ سطری یازی ویردم .

معلومدرکه نظریات اعتباریه بو خصوصده ایکی بیوک یول واردر . کاه تعقیباتنک
دوردیرلمسی ویا ویریلن جزانک قالدیرلمسی طریقنه کیدیلیر . کاهده حاکمک خطاسی
دولایسیله کسب قطعیت ایتمش اولان حکمک اورتدن قالدیرلمسی اسبابنه توسل اولنور .

برنجی یول : مضمون دینلن شخص حقده کی تعقیباتی دوردیرمق ویا ویریلن جزایی
قالدیرمق ویا صوچ دینلن بعض افعال مرتکبری حقده تعقیبات یا پلماق منفعت ویا عدالت
اجتماعیه نقطه سندن فائده لی کورلدیکی تقدیرده قوه اجرائیه کاه تعقیباتی منع ویا توقیف
ایدر ویا محکومیتی قالدیریر . کاه ویریلن جزایی عفو ، تخفیف ویا تحویل ایدر ، یاخود
ویریلن جزایه حاکم طرفندن علاوه ایدیلن بعض محرومیتاری قالدیریر . بونلر صرهمسیله
لسان قانونده عمومی عفو ، خصوصی عفو ومنوع حقنک اعاده سی نامی آلتنده طوبالانیر .

ایکنجی یول : حاکمدرده نهایت انساندر . ویردکلری حکملر قناعت وجدانیملری
محصولی اولغله برابر حقوقی ویا مادی بر خطا ایله حقیقتدن آریله بیلیرلر . بو تقدیرده

ویریلن حکمی انفاذ ایتمک عدالت اجتماعیه نامنه بیوک بر ضرر اولدینی کبی منفعت عامه نامنه ویریلن حکمی اورته دن قالدیرمق ایچون یکی باشند محاکمه یا بمق ایجاب ایدر . بو خصوص حقنده ده قانونه نفماً للقانون نقضه ، عدلیه نظارتسک امر تحریرسی ایله نقض واعاده محاکمه طریقاری آچلمشدر .

عمومی عفر : هیئت اجتماعیه نك حضور واستراحتنی محافظه و وطنداشر آرمسند فکری جریانلرندن متولد اختلافات و مناقشاتی یا تیشدیرمق ایچون بعض افعال جرمیه نك تعقیبی و یا بوخصوصده لاحق اولمش اولان حکملرک انفاذی تهلکلی کوریلیر . منفعت عامه ایچون بواقعاک تعقیب و افاذندن زیاده اونودولسی فائده لی بولور . بناء علیه اوهیئت اجتماعیه نك ناظمی اولان قوت تعقیبات و انفاذی دوردیرمق ایچون برقانون وجوده کتیریر . بو سیددن دولای عمومی عفو قاعده جرائم سیاسییه حقنده تطبیق اولنور و بونده شخص نظر دفته آلتاز . بلکه فعل نظر دفته آلتیر .

عمومی عفو قوه تشریعیه طرفندن اصدار ایدیلیر برقانونه مستند اولور ، چونکه عمومی عفو قوه تشریعیه طرفندن مقدا وجوده کتیریلن قانونک تطبیق ایدلمه مسنی ایجاب استدیریر . حالبوکه موجود احکام قانونیه نك بر زمان و یا برنوع افعال حقنده تطبیق ایدلمه مسی آنجق برقانون ایله ممکن در .

قانون تنظیمی زمانه احتیاج مس استدیر مسنه و مجلس تشریعی هر زمان مجتمع بولنماسنه کوره عمومی عفو قوه اجراییه طرفندن اصدار ایله تطبیقنده طرفدارلر واردر . مع مافیه قوه اجراییه نك قوه تشریعییه مداخله سی تطبیقنده دها و خیم تهلککیر تولید ایدمیهلر جکندن عمومی عفو قوه اجراییه طرفندن استعماله همان همان هیچ بردولت مساعده ایتمه مشدر .

عمومی عفو دائر اصدار اولنان قانونک هانکی افعاله شامل اوله جغنی حل ایتمک قوه عدلییه عاندر . بناء علیه تطبیقنده بر فعلک عمومی عفو قانونسک دائره شموله داخل اولوب اولمادیفی و یا تعقیب اولنان بر شخصک بوندن استفاده ایدوب ایدمیهلر جکی محکمه لر طرفندن تعیین اولنور .

عمومی عفو تعقیبات هنوز باشلاماش و یا باشلامشده حکم لاحق اولماش و یا لاحق

اولوبده هنوز کسب قطعیت ایتمهش ایسه حقوق عامه دعواسنی واکر حکم کسب قطعیت
ایتمش ایسه حکم اولنان جزالری بتون نتیجهلری ابله برابر اورتادن قالدیریر .
ایتالیان نظریاته کوره عمومی عفو ایکی قسمه آریلیر :

تام عمومی عفو، ناقص عمومی عفو.

تام عمومی عفو هنوز حقنده تعقیبات جزائییه پاییلان افعال جرمیهنک عفویدرکه
افعال جرمیهنی ارتکاب ایدنلر اوفعلدن دولایی محکوم ایدلمهش اولدقلری جهته قانونک
وخلقک نظرنده عادتاً جرم ایشلهمهش تلقی ایدیلیر وبالطبع نتیجهلرینده دوچار اولق
احتمالی بولماز .

ناقص عمومی عفو کلمجه ؛ بو نوع افعال جرمیهدن دولایی حقلمنده تعقیبات
جزائییه پاییلان کیمهلر حقنده صادر اولان حکم کسب قطعیت ایتمش اولمسنه کوره
محکومیتک انفازینسه کیدیلهمز و محکومیت بتون نتیجهلریله اورتهدن قالدقار . کرچه
نظر قانونده اورتادن قالدقار محکومیت دولاییسیله یکیدن ایشلهجکی بر جرمندن دولایی
مکررتلقی اولنهماز . فقط خلقلک نظرنده اولنک حقنده کی ظن راز ده قوتلی در و بناء علیه
اشبو عفوک وجوده کتیره جکی نتیجه ناقصدر .

عمومی عفوک تأثیری قطعیدر و بوندن مستفید اولسی ایجاب ایدن شخص محاکمه سنک
اجرا ایدلمسنی طلب ایتمک صلاحیتی حائر دکلدیر . چونکه مملکتک منفعتی اوکی افعالدن
دولایی تعقیباتک یا پلامسنی آمر اولوب کندیسنک بری ا لزمه اولدیغنی ادعا ایدن شخصک
منفعت شخصی و خصوصیه سی منفعت عامه مواجهه سنده نظر دفته آلهماز .

حکم اولنان جزالرک اورتادن قالدیرلسی بالطبع ماقبله ساری و شاملدر . بناءً علیه
شاید جزای نقدی و مصارف محاکمه ویرلش ایسه بونلر استرداد اولنهمیلیر .

مع مافیه عمومی عفو حقوق شخصیهیه مؤثر دکلدیر . وبالطبع فعل جرمیدن متضرر
اولان اشخاص ناکه حقوق شخصیه سنی حقوق عادییه محکمه سنده تعقیب ایدهمیلیر .

خصوصی عفو

محکوم حقنده صادر اولان حکم کسب قطعیت ایتمش بولندیغنی حالده جزانک تماماً
ویا قسماً انفازی و یا حکمده کوستریلن جزانک انفازی محکوم ایجون بعضاً تهلمکلی

اولور، بعضاً منفعت عامه ملاحظه سندن دولای عادل اولماز . بمضاده محکمه نك ویردیکی حکمه خطا ایتدیکی آکلاشیلیر. جزا و یرمک نصل برهیت اجتماعیه نك حق ایه بو کی وضعیتارده زمانك احتیاجاتی حادثلره تطبیق ایتمکده منفعت اجتماعیه نقطه سندن لابدر. خصوصی عفو آتیده کی ملاحظاته استناداً صادر اولور :

(۱) حکم اولنان جزا ایقاع فعل و حکم صرہ سنده کی اسباب و عوامل نظر دقتہ آلهرق ویریلیر. حالبوکه جزا ویردیکی صرہده دوشونه مدیکی عواملی مؤخرأ هیئت اجتماعیه نامنه تعقیب ایدمرک ویریلن جزایی یا قالدیرمق یا تنزیل ایتمک و یا باشقه جزایه تبدیل ایتمک ایجاب ایدر.

(۲) ویریلن جزانك قسمأ انفاذیله مظنونك حالی اصلاح ایتدیکی آکلاشیلیر. جزا ویرمکده کی غایه لرك اك مهمی تأمین ایدلدکن صکره جزانك تطبیق و انفاذینه دوام ایتمک ایه اولسه اولسه انتقام شخصی اساسی تعقیب ایتمک دیمک اولور.

(۳) یاخود محکمه نك ویردیکی حکم ایله خطا ایتدیکی آکلاشیلیر. کرچه بونك ایچون اعاده محاکمه طریق آچیقدر. فقط اعاده محاکمه طریقله حدم اورته دن قالدنجهیه قدر زمان کچر. جزانك انفاذینه دوام اولنسی ایه محکوم ایچون بر ظلمدر.

خصوصی عفو بر طرفدن قانونلرك سرتلکنی و بر طرفدن حاکم لرك یا کلشقلرینی کیدرمک ایچون احداث ایدلمش وعینی زمانده معلولیت، شیخوخت، خسته لق کی عوارض شخصیه دولایسیله ویریلن جزانك انفاذنده مظنون ایچون تلافیسی ناقابل بر ضرر تولید ایتسی احتمالی بولونان حاللرده تطبیق ایدیلکده بولنشدر.

زده خصوصی عفو ماهیتده اولهرق متردی سلطانلرك صیق صیق تطبیق ایتدکاری بر اصول واردی که ثلثان مدت جزائیملرینی اکمال ایدنلر عمومیتله بوندن استفاده ایدرلردی، بالطبع قانون سلطنتی اولان جمهوریت دورنده بویه بر اصول خاطره کله مز. خصوصی عفو؛ ماهیت مشخصیه سنه کوره قوه اجرائیهیه ویرمک بر ضرورت قطعیهدر. بناء علیه زده قوه اجرائیه نك رئیس اولان رئیس جمهور ظرفندن بر قرار ایله خصوصی عفو اصدار اولنور. مع مافیه خصوصی عفو اصدار ایتمک صلاحیتی رئیس جمهوره ویرمکه برابر تشکیلات اساسیه قانوننك ۲۶ نجی ماده سی موجبجه بو حقل استعمالی محافظه ایتمکده فائده اجتماعیه کورمشدر .

خصوصی عفو اصدار ایدیله بیلیمک ایچون همه حال صادر اولان حکمک کسب قطعیت ایتمی اقتضا ایدر. چونکه خصوصی عفو؛ طریق اصلاحی قالمیان وضعیتی دوزلتمک و جزانک انفاذینی اورتدن قالدیرمغه معطوفدر. تعیر آخرله فوق العاده بر طریق قدر. بر حکمک علی العاده طریق ایله اصلاحی ممکن ایکن طرف فوق العاده به مراجعت ممکن دکلدر.

اگر حکم هنوز کسب قطعیت اتمزدن اول دخی خصوصی عفوک تطبیق ایدیله بیله جکی قبول ایدلسه تعقیبات جزائییه. خصوصی عفو ایله اورتادن قالدیرمق اساسی قبول ایدلمش اولور. حالوکه تعقیبات جزائییه اورتدن قالدیرمق عمومی عفو در.

• •

بو سبیلردن دولایی غیابی محکوملر حقتده ویریلن جزالر خصوصی عفو طریق ایله نه تنزیل ونده اورتادن قالدیریله بیلیر.

مع مافیه کسب قطعیت ایتمش بولنان محکومیت قرارنده کی جزا تأجیل ایدلمش اولسه بیله ینه خصوصی عفو ایله اورتدن قالدیریله بیلیر. چونکه تأجیل شرط معلق اولمق دولایسیله شرطک عدم ایفاسی تقدیرنده مشروط اولان انفاذ جزا عودت ایده بیلیر. خصوصی عفو جزای اصلی یی اورتادن قالدیریر. فرعی و متمم جزالر تأثیر ایتمز.

ماده: ۹۸

واضع قانون ایتالیان جزا قانوننک بزم مادهیه تطابق ایدن ۸۷ نجی ماده سنی عیناً آلامشدر. ایتالیان قانونه نظراً خصوصی عفودن ماعدا برده مشترک جزا عفوی موجوددر که معین بر نوعدن صوچلردن دولایی صادر اولان جزالرک انفاذینه مانع اولور. ایتالیان قانونه کوره خصوصی عفو ایله مشترک جزا عفوی indults آرده سننده شو فرق وارددر که مشترک جزا عفوی معین بر نوع صوچلردن دولایی صادر اولان جزالرک انفاذینه مانع اولدینی حالده خصوصی عفو بالکمز بر کسه حقتده صادر اولان جزانک انفاذینه مانع تشکیل ایدر. هر ایکسینک ارتباط نقطه سی ایسه هر ایکی عفوک آنحق جزایی اورتادن قالدیرمی ویا تبدیل ایده بیلیمسی در. بوندن ماعدا هر ایکی عفو محکومک قانونی مجبوریتی و قانون مدنی موجبجه اموالی اداره ایتک صلاحیتک نزعی

حقننده صادر اولان اهلیتسز لکری ده اورتادن قالدیریر . مکرکه اشبو محجوریت و اهلیتسز لکر جزای اصلینک مزامنه اقامه صورتیه حکم ایدلش بولنسون .

خصوصی عفو و یا مشترک جزا عفو قرارنامه سنده صراحت اولمادجه خدمات عامه دن، بر مسلک و یا صنعتک اجراسندن ممنوعیت و امنیت عمومیه نظارته آلتق جزالری اورتادن قالدیرماز .

کوریلورکه ایالتیان قانونی متنی ایله قانونمژک متنی آره سنده بیوک فرق واردر . بر کره بزم قانونمژده مشترک جزا عفو نامیه اوچنجه بر طریق قبول ایدلمش و بوندن بشقه خصوصی عفوآنجق جزا ایله برلکده قانونی محجوریتی اورتادن قالدیره جنی تصریح ایدلمشدر .

ممنوع حقارک اعاده سی — عفو عمومی محکومیت جزاییه یی اورتادن قالدیردینی حالده خصوصی عفو یالکز جزای قالدیرمقده و بناءً علیه فرعی و متمم جزالر بتون نایجی ایله قالدینی کبی محکومیت جزاییه موجود اولدینی جهته محکوم ایکنجه بر جرم ایشلیدی تقدیرده تکرر جرمدن دولای جزا قانوننک برنجی کتابنک سکزنجی بابی احکامی دأره سنده جزاسنک تشدید ایجاب ایدر. محکومک اشبو وضعیتی اصلاح واورتاده کی جزا محکومیتلرینک نتیجه لرینی قالدیرمق ایچون ممنوع حقارک اعاده سی اساسی قبول ایدلمشدر .

ممنوع حقارک اعاده سی جزا محکومیتدن متولد خدمات عامه دن ممنوعیت و یا بر مسلک و یا صنعتک تعطیل اجراسی امنیت عمومیه اداره سنک نظارت مخصوصه سی آلتنده بولدیرمق کبی مجازات فرعیه نک قالدیرلسی ایچون معین بر زمانک مروری و محکومک ایشلشم اولدینی جرمدن ندامتی احساس ایده جک وجهله صلاح حالی کورلدیکی تقدیرده اصول محاکمات جزاییه قانوننک احکامی دأره سنده بیه محض طافت قیلندن تطبیق ایدیلن بو اصول دخی حقوقی مادی خطالری اصلاحه مؤثر اوله ماز .

ایکنجه یول — صادر اولان حکم بعضاً درجات محاکمه مراجعت ایچون معین اولان مدت لک مروریله و بعضاً درجات محاکمدن کچهرک تصدیق اولمق صورتیه کسب قطعیت ایدر. حالبوکه حکمک بناسی اولان حادثات و واقعات ده حاکم مادی بر خطایه

دوچار اولور. یاخود قانونک تفسیرنده حقوقی برخطایه دوچار اولور. اشبومادی و حقوقی خطالرك اصلاحی ایچون الیوم تطبیق ایدیلکده اولان اصول جزائییه مزك مأخذی بولنان فرانسز نظریاتی اوچ اساس قبول ایتشدیر .

(۱) عدلیه نظارتک امر تحریریسی ایله نقض، (۲) نقضاً للقانون نقض، (۳) اعاده محاکمه. امر تحریری ایله نقض — فرانسز اصول جزائییه سنک ۴۱۱ نجی ماده سی موجبجه [اصول جزائییه قانونمز ماده : ۳۴۷] بر دعواده قانونه مخالف معاملات تحقیقه وقوعه کلش و یا اعلاماتک ویرلش اولندیفی عدلیه ناظری خبر آدینی تقدیرده محکمه تمیز نردنده بولنان باش مدعی عمومی به اواعلام و یا قرارک نقضی ضمنتده محکمه تمیزه مراجعت ایتسنی امرایدیر و محکمه تمیزجه تدقیقات قانونیه اجرا اوله رق اعلام نقض اولنور.

عدلیه نظارتک امر تحریریسی ایله نقض ایچون واقع اوله جق مراجعتده اعلامک مقدا محکمه تمیزجه تدقیق ایدلمه مش اولسی شرطدر . برده عدلیه وکالتی مراجعت ایچون هیچ برمدت ایله مقید دکلدیر.

امر تحریری ایله نقضک نتایججه کلنجه؛ فرانسز نظریاتک بو کونکی تلقیاتنه کوره محکوم نقضدن مستفید اولور. فقط متضرر اولماز. بناءً علیه حکم کسب قطعیت ایتش اولسه بیله امر تحریری ایله نقض حالنده محکوم حقنده کی جزانک انفادینه امکان قالماز «محکومیت جزائییه» ده اورته دن قالقار .

امر تحریری ایله نقض فرانسز انقلابک یادکاری اولوب ۳ ایلول ۱۷۹۱ تاریخی قانون اساسی ایله احداث اولنش وایمراطودلق دورنده وجوده کتیریلان اصول جزائییه ده حکومت؛ قوه اجرائیه نك قوه عدلیه اوزرنده بویه برحق مداخله سنی محافظه ایتسکی مناسب کورمشدیر .

عدلیه ناظرینک ولوکه مدعی عمومی لر واسطه بیله اولسون محاکم اوزرنده نفوذ وقوت استعمالنه اقتدارلری محاکمک استقلاللریله قابل تألیف اوله مایه جفندن امر تحریری ایله نقض اصوللری یکی قانونلرك هیچ برنده موضوع بحث اوله مامشدیر [۱].

[۱] مجلس عالی به سوق ایدلک اوزره اولان و آلمان اصول جزائییه سندن اقتباس اولنان یکی اصول جزائییه پروژه سنده امر تحریری ایله نقض اصولی قبول ایدلمه مشدر.

۲) نفعاً للقانون نقضه كلنجه فرانسز اصول جزائیه سنك ۴۴۲ نجی ماده سنده [اصول جزائیه ماده : ۳۴۸] ذكر ایدلیدی وجهله صرف اجتهادات محاکمی بر نقطه یه طوبیلاق و تفسیرات قانونیه یی واضع قانونك آرزوسی داخلنده جمع ایتمك اوزره احداث اولنك بواسولك تطبیق ساند ه یچ بر فائده عملیه سی یوقدره، چونكه طرفین بوندن قطعاً استفاده ایدم مز .

كله لم اعاده محاکمه یه :

۳) محكمه لر حادنانك قانونه تطبیقنده حقوقی بر خطایه دوشدكلری تقدردده صادر اولوب كسب قطعیت ایتمش اولان اعلاماتك اصلاحی ایچون نفعاً للقانون نقض وامر تحریری ایله نقض اصوللری قبول ایدلمشدی .

خطا بعضاده بویه احكام قانونیه و اصولیه نك یا كلش تطبیق ایدلمسندن نشأت ایتمز . اقامه ایدیلن دلیللرله حاكم بر خطایه سوق اولنور . یا خود یا لكز باشه آلدقلری و یا خود موجود دلائل ایله برابر نظر دفته آلدقلری تقدردده مظنونك برائتی و یا دها خفیف جزا ایله جزالندیرلمسی و یا علیه یكیدن دعوانك رؤیتی ایجاب ایدیره جك وجهله یی واقعات و یی دلیللر ظهور ایدر . بونلری نظر دفته آلمه رق حكم كسب قطعیت ایتمشدر ادعاسیله دعوا و حادثه یی یی باشند تدقیق ایتمه مك هیئت اجتماعیه مك منفعتی ایچون بك تهلكلی اولور .

محكمه نك اتخاذ ایدیدی قراوده مادی خطارك موجودیتی ظاهر اولان خصوصانده صادر اولان محكومیت قرارینی انفاذده دوام ایتمك اشكنجه تشكيل ایدر . عفو طریقله اورتدن قالدیرلسه بیه معصوم اولان محكومی محكومیت جزائیه نك نتایجنه معروض براقق ناموسلی بروطنداشی موت معنوی یه محكوم ایتمك دیمك اولور .

كذلك قظاهر ایدن مادی خطالره و میدانه چیقان یی دلیل و واقعاته استناداً حقسز اوله رق برائت ایدیرلیدی آكلاشیلان بر مظنون حقنده مقدا اتخاذ ایدلمش اولان برائت قرارنده اصرار ایدلمسی خلقك قوه عدلیه قارشو اولان اعتمادینی رفع و بالنتیجه حكومه اولان حرمت و محبتی سالب و ضعیلتر احداثه سبب اوله بیلیر .

بوسیدندر كه اعاده محاکمه ؛ مادی خطالری اصلاح ایدیمی امین بر طریق، عدالت اجتماعیه نك سالم یوللرده ایلروله بیلمسی تأمینه خادم ضروری بواسطه در .

اعاده محاکمه ضرورت اجتماعیه مولودی اولمق دولایسیله نه استیناف طریق کی
هرقراره قارشو مراجعت ایدیهیله جک قدر کنیش ونده بر جوق خصوصاتی خارجه
براقیهیله جک قدر طار اولمیدر.

واضع قانون اصول جزایه قانونمژك ۳۴۹ نجی ماده سنده ۱۷ تشرین ثانی ۱۸۰۸
تاریخی فرانسز اصول جزایه سنك ۴۴۳ نجی ماده سنی عیناً اقتباس ایدهرك اعاده محاکمه
ایچون اوچ سبب قبول ایتشدی.

(۱) مقتولیتی ادما اولنان شخصك بر حیات اولسی،

(۲) جنایت و یا جنحه ایله بر شخصك محکومیتدن صکره عینی فعلدن دولای دیگر
بر شخصك محکوم ایدلسی،

(۳) ونهایت شهادتیه حکمك مناسبی تشکیل ایدن برشاهدك شهادت زور دولایسیله
محکوم ایدلسی.

فرانسز اصول جزایه سنده ده (۹۰) سنه اشبو اوچ سببه بر دردنجی سبب علاوه سنه
لزوم کورولمه مشدی. ۱۹ نجی عصرك صوکنده فرانسه ده مهم بر حادثه اجتماعیه ظهور
ایتدی وپارس دیوان حربی دره یفوس نامنده برضابطی آلمانلره اسرار عسکریه بی صامق
جرمیه ۲۵ کانون اول ۱۸۹۴ تاریخنده محکوم ایتشدی و شیطان آطه سنه محکوم نقل
ایدلمشدی. مؤخرأ فرانسه نك مشهور ادیب و محرری آمیل زولا دره یفوسك نه کبی
شیطنتلر تحتند محکوم ایدلیکنی اثبات ایده جك وجهله بر جوق واقعات ویکی دلیللرك
میدانه چیقمنه سبب اولدی. قانونك ۴۴۳ نجی ماده سنك قصر افاده سی اعاده محاکمه
ایچون بر آجیق قابو بر اقادینی کورلدی. نهایت اشبعوامل و شرائط دائره سنده قانونك
اوچ سببه بر دردنجی سبب اوله رق محکومك بر ائتی اثباته مدار اوله جق یکی دلیللر
واقعاتك ظهوری ایله اعاده محاکمه طریقك استعمال ایدیهیله یلمسی اساسی علاوه اولندی.

قانونلرمژك صیق صیق تعدیل ایدلسنه رغماً اصول جزایه مز بدایت نشرندن بری
هان هان بر ایکی اوافق استنادن صرف نظر آلدینی کبی قائلش وبالطبع بك ایدر تطبیق
ایدیلن فقط مادی خطالری اصلاح ایچون اك امین ومؤثر واسطه بولنان اعاده محاکمه
اصولی هیچ تعدیل یوزی کورمه مشدر.

قانونلر مزك تجديد واصلاحى بولنده حكومت جمهوريه مزك شور قاج سندر كو سترمكه اولدينى فيضلى فعاليت جمله سندن اولق اوزره مجلس على بو سنه اصول محاكمات جزائيه لايحه سنى ده قبول ايده حك اولور سه پك اسكى تلقينك محصولى اولان فرانسر اصول جزائيه سنك بوطار ساحه لر دن صيرلىق ممكن اولاجقدر .

اعاده محاكمه بخشنده آلمان اصول جزائيه سى فرانسر اصولدن تماماً آيرلمشدر . فرانسر اصول جزائيه سى واوكا مستند بولنان قانونر يالكر مظلونك لهنه اولان بعض حاللرده اعاده محاكمه اساسى قبول ايتديكى حالده آلمان اصول جزائيه سى مظلونك عليه اولان بعض حاللرده دخى اعاده محاكمه نى قبول ايتمشدر .

- آلمان اصول جزائيه سنك ۳۹۹ نجى ماده سنه نظراً اعاده محاكمه مظلونك لهنه اوله رق :
- (۱) محكومك عليه احتجاج اولنان وثيقه نك ساخته لكى ،
 - (۲) حكمك مناسبى تشكيل ايدن شهادت ومطالعاتك قصداً ويا ذهولاً ياكش بر شكلده شاهد واهل خبره طرفدن اثبات وسرد ايدليكك ثبوتى ،
 - (۳) حكمه اشتراك ايدن حاكمك ايفاي وظيفه ده تكاسلى ،
 - (۴) جزا حكمك مناسبى تشكيل ايدن حقوق حكمك مؤخرأ نقض اولنسى ،
 - (۵) يالكر باشه ويا اولجه اراد اولنان دليللره آلدقلى حالده مظلونك بر ائنى ويا ده خفيف جزا ايله محكوميتنى ميدانه چيقارمحق يكي دلائل وواقعاتك ظهورى ،
- حاللر نده ادعا اوله بيلير .

كوربايوركه فرانسر اصول جزائيه سى حادثات وضرورت اجتماعيه دولاييسيله آلمان اصول جزائيه سنك ۳۹۹ نجى ماده سنك بشنجى ماده سنى آشاغى يوقارى عينا قبول ايتمشدر . استيناف محكمه لر ينك لغوندن صكره محكمه تميزه كلن ايشلرك فوق العاده آرتمى دولاييسيله محكمه تميز تدقيقاتنده ذهولاً بعض ياكليش قر اولر اتخاذايدليكى كورلديكندن كچن سنه تميز تشكيلا تى قانونيله برابر جزا ايشلر نده تصحيح قرار واعتراض طريق نامرليه ايكي اصول احداث ايدلمشدى .

مذكور طريقار آنجق باش مدعى عمومليك طرفدن احوال معينه ومحدوده استعمال ايديله چكندن صرف نظر كسب قطعيت ايتمش بر قرار عليه نده مادي برسبب اولقمسز ين

الك بيوك قانونی تفسیر مقامی اولان تمیز محکمه سنه یکی باشند مراجعت نظریات حقوقیه ایله قابل تألیف دکلدر .

یونک ایچون فوق العاده طریق اولان اعاده محاکمه طریقنی لزومی اولدینی وجهله اصلاح و تقویه ایتمک و مادی خطالری آنجق بوطریق ایله اصلاح ایتمکدن بشقه قانونی یول یوقدر .

براز اوزایان شو مقدمه مزدن مقصد مزك نه اولدینی تظاهر ایتمشدر قناعتنده یز . مجلس عالییه یوقدر مهم وظیفه لری آراسنده برده «رفع حکم» وظیفه سنی تحمیل ایتمک لزوم یوقدر . اساساً قوتلرک انقسامی نقطه سندنده بعض مهم تهلکه لر عرض ایدم بیلیر، قانونی یول پک آچیقدر. مادی خطایی اثبات ایدن محکوم محکمه دن پاک دامن اولدیغنی اثبات ایدم جک بر حجت آلیرسه وضعیت شخصییه و حقوقیه سنی خلق نظرندده ده اتمیز و پاک بر حاله قور .

دینه بیلیر که هنوز زده آلمان اصول جزائیه سنک ۳۹۹ نجی ماده سنک بشنجی نومرو سنده موضوع بحث اولان حکم واضع قانون طرفندن قبول ایدلمه مشدر . جواباً درزکه : اصول جزائیه سنک ۳۹۹ نجی ماده سنک ایکنجی اوله رق کوستردیکی سبب حادثه ده اعاده محاکمه یی ایجاب ایتدیرم جک بر وضعیت احداث ایدم بیلیر .

چونکه محلی مدعی عمومی حقیقی مظنونک موجود اولدیغنی کوردیکی تقدیرده اونک حقنده ده تعقیبات قانونیه یامشدر. بالطبع حقیقی مظنون محکوم ایدلمه جک و نتیجه ده ناقابل تألیف ایکی حکم بولدیغنی جهتله معصوم محمد اوغلی احمد ایچون اعاده محاکمه طریق ایجه جقدر .

مطالعاتمی تلخیص ایدم جک اولور سه م : (مادی خطالری اصلاح ایچون اعاده محاکمه طریقندن غیری یکی اصوللر احداث ایتمک هم لزوم سز و هم ده تهلکه لیدر اساساً اصول جزائیه لایحه سی شباط نهایتنه طوغری مجلس عالییه سوق ایدلمه بیله جکنه کوره بو کبی وضعیتلری دوزلتمک ده اقصیه و ده ادوغری یوللردن کیتتمک امکاتی موجود اولدیغنی) قناعتنده یم .

مهرت فرید